

PRELUDIO/PROSESSIONAL/PANNAKASINDITIKANDELA

KABLAAW M

BALIKAS ITI PANNAKAURNONG M

M: Anian a nagimbag ken nagragsak no maurnong dagiti agkakabsat nga addaan panagkaykaysa!

**K: Kasla iti tudo iti kalgaw a mangpasubli iti naganggangan a daga.**

M: Kasla nalamiis a puyupoy iti igid ti dan-aw, iti tuktok ti bantay weno iti uneg ti ciudad.

**K: Ti Dios sabatennatayo ditoy.**

M: Naurnongtayo ditoy nga agdayaw iti Nangaramid kadagiti al-aldawtayo, ti mangisubli iti kararua ken anges ti biag.

+IMNO ITI PANAGDAYAW “**SANTO, SANTO, SANTO**” (*Holy, Holy, Holy*)

Santo, Santo, Santo, Dios a napigsa, Agkantakami nga agdaydayaw kenka; Santo, Santo, Santo, silaw ken ayatka, Dios a madayaw awan inggana.

Santo, Santo, Santo dayawendaka, Dagiti sasanto a sangsangkamaysa; Kerubin ken Serafin agparintumengda, Agrukbab kenka a di uminga.

Santo, Santo, Santo, awagandaka, Ta ti managbasol Gloriam iliwenna; Santo, Santo, Santo, awan pagkurangam, Pannakabalin Asi ken Ayat

Santo, Santo, Santo, Dios a Namarsua, Langit ken daga siksikat’ idayawda; Santo, Santo, Santo, Mannakabalinka; Dios a madayaw awan inggana.

+IMBOKASION (A<sub>min</sub>)

KABLAAW/PAKASEKNAN TI IGLESIA Pastor (P)

AYAB ITI PANAGBABAWI

M: No ipadastayo nga aramiden babaen iti nakurang a pammatitayo ti nasantoan a probision,

**K: Apo kaassiannakami.**

***Ababa a personal a repleksion ken panagbabawi.***

M: No saanmi a nabigbig ti Dios nga agrabtrabaho iti pammati dagiti dadduma,

**K: Apo kaassiannakami.**

***Ababa a personal a repleksion ken panagbabawi.***

M: Kadagiti naaramidan ken nabaybay-anmi a trabaho,

**K: Apo kaassiannakami.**

***Ababa a personal a repleksion ken panagbabawi.***

PAMMATALGED ITI PANNAKAPAKAWAN (pagsisinnublatan)

P: Ti Dios awaganna ti tunggal maysa babaen iti nagantayo ken

**makipagsangitkadatayo nga addaan lua iti rag-o a kas bigbigentayo a kasapulantayo isuna iti biagtayo.**

**K:** Madaydayaw ti Dios isu a mangpasangbay kadatayo iti baeten ti kinasiasinotayo, karitennatayo a mangiwaksi kadagiti biddut ken mangipaay iti dana iti pannakipagna kenkuana.

***(Ipa sa ti sinial ti talna iti tunggal maysa)***

KARARAG PARA ITI TATTAO (P)

Sibibiag nga Apo, adu dagiti tao a gumawgawawa iti tulongmo kadagitoy a panawen iti pannakaupay idinto nga adu dagiti kasapulanda. Patienmi nga addaankat’ asi kadakuada amin. Apo Jesus, ammomi nga agpada a ti pannakidangadang ken rag-o ket adda kadakami met laeng.

Iti daytoy nga aldaw, idanonmi kenka dagiti pakaseknan iti tunggal maysa:

Ikararagmi nga punnoennakam iti asi.

-Kadagiti amin a kinasiasino ken amin nga inkam aramiden, kadagiti amin a tarigagayanmi nga aramiden.... (*agulimek iti 10 a segundo ...*)

-Ikararagmi amin nga trabaho iti uneg ti Iglesia ken kagimongan, ken amin a tarigagayanmi a mabalbaliwan...(agulimek iti 10 a segundo ...)

-Ikararagmi dagiti pinilimi iti pagilianmi ken kagimongan, kadagiti pagtaengan ken pagtrabahoan, ken kadagiti amin a responsibilidad a bakbaklayanmi kadagiti agduduma a nga akemmi.... (*agulimek iti 10 a segundo ...*)

-Ikararagmi dagiti problema isu a mangburburibor iti panunotmi, kadagiti kasasaad a mangborbortia ken ti pagduaduaan nga aglawlawmi...(agulimek iti 10 a segundo ...)

-Malagipmi iti sangoanam ti tunggal kasasaad a pagdandanagan dagiti ipatpategmi....(agulimek iti 10 a segundo ...)

Sibibiag a Cristo, sika ti paggappuan ti talna ken baro a posibilidad para kadakami amin. Tulongannakami ti paraburmo para ita ken inton bigat. Punnoennakam iti pigsa ken namnama a makipagdalliasat kenka, makikaykaysakam kadi iti ayatmo. Kas napudno nga adalam makipagkaykaysakam kenka iti insurom a kararag:

**Kararag ti Amami (The Lord’s Prayer)**

+ PANNAKAIBASA TI TEKSTO

-*Sungbat ti Gimong:* (ibasa) Luktam kadi dagiti lapayagmi a dumngeg kadagiti saom ket iyasidegnakami kenka, sapay kadi ta ti sangalubongan makikaykaysa kenka a kas maymaysakay ken Jesus. Amen.

•MENSAHE BABAEN TI KANTA

•MENSAHE BABABAEN ITI SAO Rev. Jean S. Yubos,  
UCWO President, Middle Highland Conference

AYABITIPANANGTED

**M:** Kas managymaman para iti pannakaagas ken wayawaya nga impaay ni Jesus, ipaaytayo dagiti datontayo iti Dios. Babaen kadagiti saguttayo, sapay koma ta dayta a pannakaagas ken wayawaya maiburay iti lubong ti Dios iti nagan ni Cristo.

PANANGIPAAY ITI SAGSAGUT/PAGYAMAN/ APAGKAPULLO/KARKARI ITI DIOS: (Kanta kas maala dagiti sagut: Ti Ayatna inka bilangan)

+DOKSOLOHIA/KARARAG TIPAGYAMAN

HIMNO ITI PANAGSERBI “**BIRUKENTAY DAGITI NAPUKAW**” (*Seeking The Lost*)

1. Biruken dagiti nayaw-awan, napukaw diay kabambantayan;  
“Umayka kaniak” kunanat’ awag, timek ni Jesus umaw-awag.

**Koro:** *Diay Adayo – kabanbantayan, birokentay – ti Napukaw  
Ken Ni Jesus – Intay Iragpat, Korderot’ Dios – A Naidaton.*

2.+ Iragpattay amin ken Jesus, kararua a napnoan riribuk,  
Iturong iti pakaispala, biag nga agnanayon di umingga.

3. Innakto isaknap ti damag, ket ni Jesus antabayennak  
Liwliwaen maladladingitan, tulongan ti madagdagsenan.

KARARAGITIPANAGTALEK

PAMENDISION: (P) Ita, rumuurtayo kas tattao ti Dios.

**K: Agrtrabohotayo amin a mangikkat kadagiti mamagsisina kadayo.**

P: Ita, inkayo a mangiburay iti parabur ni Jesus.

**K: Ayatenmi dagiti dadduma a kas iti panagayatna kadakami.**

P: Ita, mapankayo nga agbalin a pannakaespirito ti kagimongan.

**K: Awisentayo ti tunggal maysa a makikaykaysa iti daytoy a biag iti pammati ken panagserbi. Iti nagan ti Ama, Anak ken Espirito Santo. Amen.**

**Sungbat:** 3 nga Amen

POSLUDIO/RESESIONAL

\*\*\*\*\*

**Legend:** Iti daytoy a ±, tumakder dagiti makabael

(Sources: Uniting Church of Canada, Discipleship Ministries & Ministry Matters by Nancy Townley)



United Church of Christ in the Philippines  
NORTH LUZON JURISDICTION

## URNOS ITI PANAGDAYAW ITI DIOS ITI MAIKA- SANGAPULO KET MAYSA A DOMINGO KALPASAN TI PENTEKOSTES

August 16, 2020



## AUGUST: MISSION MONTH

*“The UCCP Believes that the mission of God is to create a humane, righteous, and just social order where all God’s creation participate in the development of such social order and where all enjoy the blessings of the “fullness of life” brought about such divinely mandated social order.”*

(UCCP Manual for Mission & Evangelism, 1998)